



Broj: 05-1-07-1-93/21
Sarajevo, 21.01.2021. godine

Na osnovu člana 18. Poslovnika Centralne izborne komisije Bosne i Hercegovine („Službeni glasnik 29/18 i 25/20), člana 1.3a stav (3), a u vezi člana 1.10 Izbornog zakona Bosne i Hercegovine ("Službeni glasnik BiH", br. 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16 i 41/20), Centralna izborna komisija Bosne i Hercegovine je na 13. sjednici, održanoj 21.01.2021. godine, donijela

ODLUKU

o nemogućnosti preuzimanja mandata

(1) Centralna izborna komisija Bosne i Hercegovine utvrđuje nemogućnost preuzimanja mandata za načelnika Općine Travnik od Peco Mirsada, kandidata političkog subjekta SDA-Stranka demokratske akcije, radi činjenice smrti, a kojem je raspodjeljen mandat pravosnažnom Odlukom o potvrđivanju i objavi rezultata Lokalnih izbora u Bosni i Hercegovini 2020. godine („Službeni glasnik BiH“, broj 81/20).

(2) Po pravosnažnosti ove odluke, Centralna izborna komisija Bosne i Hercegovine će raspisati prijevremene izbore za načelnika Općine Travnik.

Obrazloženje

Centralna izborna komisija Bosne i Hercegovine je na osnovu člana 2.9 stav (1) tačka 9. i 12. i člana 5.32 Izbornog zakona Bosne i Hercegovine donijela Odluku o potvrđivanju i objavi rezultata Lokalnih izbora u Bosni i Hercegovini 2020. godine.

Odlukom o potvrđivanju i objavi rezultata Lokalnih izbora u Bosni i Hercegovini 2020. godine su za nivo vlasti za koje su provedeni Lokalni izbori 2020. godine, raspodjeljeni mandati i imena kandidata unutar političkih subjekata.

Nakon potvrđivanja izbornih rezultata Centralna izborna komisija Bosne i Hercegovine dodjeljuje mandate kandidatima koji su osvojili mandat. U postupku dodjele mandata izabrani nosilac mandata izabran na neposrednim i posrednim izborima je dužan u skladu sa odredbom člana 1.3a stav (3) Izbornog zakona BiH da potpiše izjavu kojom odbija ili prihvata mandat na obrascu koji propisuje Centralna izborna komisija BiH u roku od sedam dana od prijema izjave.

Shodno navedenom i nemogućnosti preuzimanja mandata Peco Mirsada, kandidata političkog subjekta SDA-Stranka demokratske akcije, radi činjenice smrti, koji je izabran i osvojio najveći broj glasova u izbornoj jedinici Travnik za načelnika Općine Travnik na Lokalnim izborima 2020. godine, primjenom relevantnih odredbi propisa koje regulišu postupak izbora općinskog načelnika i prestanak vršenja funkcije, člana 1.3, 1.10, 13.7 i 14.3 Izbornog zakona BiH, a imajući u vidu odredbe člana 4, 5. i 8. Zakona o izboru, prestanku mandata, opozivu i zamjeni načelnika općina u Federaciji Bosne i Hercegovine kojim je propisan način popune upražnjenog mjesta načelnika („Službeni glasnik BiH“, broj 19/08), Centralna izborna komisija Bosne i Hercegovine je odlučila kao u dispozitivu ove odluke.

Pravna pouka: Protiv ove odluke dozvoljena je žalba Apelacionom odjelu Suda Bosne i Hercegovine u roku od dva dana od dana objave ove odluke na internet-stranici Centralne izborne komisije Bosne i Hercegovine www.izbori.ba, koja se objavljuje dana 21.01.2021. godine. Shodno pozitivnim zakonskim propisima, dan 23.01.2021. godine (subota) je radni dan u Centralnoj izbornoj komisiji Bosne i Hercegovine i isti se računa u rokove za podnošenje žalbi.

Žalba se podnosi preko Centralne izborne komisije Bosne i Hercegovine i dostavlja se putem faks aparata na broj 033/251-329, elektronskom poštom na e-mail adresu zzov@izbori.ba ili neposredno u sjedište Centralne izborne komisije Bosne i Hercegovine, Ulica Danijela Ozme broj 7, Sarajevo do 16,00 sati.

Predsjednik
Eljza Bakalar

